

ETXE BETE▲

2027 Deialdiak

ETXE BETE▲

Emakume sortzaileentzako
sormen-gunea Bilboko
erdigunean

Etxe Betea **Bilboko** erdigunean dagoen **etxe fisiko bat** da. 2022an, **Lara Izagirre Garizurietak** sortutako **Gariza Films** ekoiztetxe independente eta feministaren lantaldeak espazio horren sorrera bultzatu zuen, eta, bertatik, **emakumeek egindako filmak sortzen laguntzeko hainbat deialdi** jarri zituzten abian.

Etxe Betea esparru **artistiko desberdinetako emakumeentzako topagunea da**, elkarrekin laneginalizateko, kulturen arteko harreman berriak ezartzeko eta ikuspegi feministarekin lan-ildo berriak sustatzeko.

Deialdi arrakastatsuen ondoren, 2025etik aurrera, Gariza Filmsek irabazi-asmorik gabeko jarduera hori **Basque Know How Fundazioari** luzatzea erabaki zuen, eta elkarrekin lanean jarraituko dute.



2026ko uztailean, Etxe Beteak **2 deialdi** ezberdin aurkezten ditu **emakume zinemagileentzat**.



AURKIBIDEA

- 04 Gela bat norberarena
- 08 Elkarrekin Sortzen
- 10 Eskatutako dokumentazioa
- 13 Laburpena

Interesdun bakoitzak **proiektu bera aurkeztu ahal izango du gaur egun irekita dauden deialdietan batean edo gehiagotan**, betiere deialdi bakoitzean ezarritako hautagarritasun-baldintzak betetzen baditu. Deialdi bakoitzaren oinarriak arretaz berrikustea gomendatzen da, irizpide espezifikoak betetzen direla ziurtatzeko; izan ere, proiektua onartzeko, prozesu bakoitzaren banakako ebaluazioa egin beharko da.

Deialdi guztiak **irailaren 16ra arte**
egongo dira zabalik, **13:00etan** (CET).

GELA▲
BAT▲
NORBER▲RENA▲

2027

ZER DA GELA BAT NORBERARENA?

Etxe Beteak Gela bat norberarena egoitza artistikoaren zazpigarren deialdia ireki du, Virginia Woolfen omenez. Aurreko edizioetan **Naiara Carmona, Estibaliz Urresola, Ainhoa Rodríguez, Mikele Landa, María Herrera, Naia Arantzamendi, Tamara Lucarini, Alba Lozano** eta **Natalia Grande** artistak izan genituen gurekin eta aurreko ere egoitza artistikoen deialdia irekiko dugu, *Gela bat norberarena* egoitza artistikoari esker **lau emakume zinemagileri** beraien film luzeak garatzen laguntzeko.

2027 EDIZIOA

Gela bat norberarena egoitzaren zazpigarren edizio honetan **lau emakume zinemagile lagunduko ditugu euren film luzea garatzen.**

Bi egoitza euskarazko proiektua duten zinemagileentzat izango dira, eta hautagaiek dokumentazio guztia hizkuntza horretan aurkeztu beharko dute. Beste **bi egoitzak beste edozein hizkuntzatako** proiektuak dituzten zinemagileei zuzenduta egongo dira (gaztelania, katalana, galegoa, aranera, valentziarra, ingelesa edo beste batzuk).

Hautatutako parte-hartzaile bakoitzak **gela fisiko bat** izango du Bilboko eraikinik berezietako batean eta **2.500 euroko** laguntza ekonomikoa jasoko du. Egoiliar guztiek beraien proiektuarentzat egokiena iruditzen zaien **mentorea** proposatu ahal izango dute, eta Etxe Betea taldeak proposamen horiek ebaluatu ondoren, egoitza bakoitzari lagunduko dion mentorea berretsiko du.

Era berean, egoitza artistikoan **bidelaguntza feminista** izango dute parte-hartzaileek, izan ere, zaintza gogoan izanik, zineman lan egiteko formula feministak bilatuko dituzte.

Deialdi honetan berrikuntza gisa, **egoitzak lau hilabeteko iraupena** izango du, eta parte-hartzaile bakoitzak eskuragarri dauden bi modalitateetako bat aukeratu ahal izango du:

- **Udaberriko egoitza:** 2027ko urtarriletik apirilera.
- **Udazkeneko egoitza:** 2027ko irailetik abendura.

Egoitza aldiari, parte-hartzaile bakoitzak banakako **lau mentoretza**-saio jasoko ditu esleitutako profesionalarekin: **bi saio online** eta **aurrez aurreko beste bi saio**, lau hilabeteko egoitzan zehar banatuta.

Gainera, **egoiliar guztiek nahitaez parte hartu beharko dute Etxe Betean aurrez aurreko bi lan-astetan**, hautatutako egoitza-modalitateari dagozkionetan.

- **Udaberriko egoitza:** Nahitaezko aurrez aurreko asteak honako hauek izango dira: otsailaren 22tik 26ra eta apirilaren 19tik 23ra.
- **Udazkeneko egoitza:** Nahitaezko aurrez aurreko asteak honako hauek izango dira: urriaren 25etik 29ra eta abenduaren 13tik 17ra.

Salbuespenezko kasuetan, parte-hartzailearen eta bere mentorearen beharrak direla eta, datak aldatu ahal izango dira.

Hautatutako egoiliarrek bertaratze-konpromisoa sinatu beharko dute, eta erakundeak proposatutako asteetan aurrez aurre parte hartu beharko dute. Etxe Beteak ez ditu bere gain hartuko joan-etorrien, dieten edo mantenu-gastuen kostuak.

Bi modalitateen funtzionamendua ondorengo taulan laburbiltzen da.

	UDABERRIKO EGOITZA	UDAZKENEKO EGOITZA
Iraupena	2027ko urtarriletik apirilera	2027ko irailetik abendura
Plazak	- 1 euskaraz - 1 beste edozein hizkuntzatan	- 1 euskaraz - 1 beste edozein hizkuntzatan
Beka	2.500€	2.500€
Mentoretzak	2 online + 2 aurrez aurre	2 online + 2 aurrez aurre
Nahitaezko asteak	2027ko otsailaren 22tik 26ra	2027ko urriaren 25etik 29ra
Etxe Betean	2027ko apirilaren 19tik 23ra	2027ko abenduaren 13tik 17ra

Izen-emate galdetegian [<https://forms.gle/D4ATWkMABQvESTAR8>], **parte-hartzaile bakoitzak zein bakoitzak egoitza-modalitate zehatza adierazi beharko du**, eta aukera izango du udaberriko egoitza (2027ko urtarrila-apirila) edo udazkeneko egoitza (2027ko iraila-abendua) aukeratzeko.

BALDINTZAK – GELA BAT NORBERARENA

Egoitza artistikoa **adin, nazionalitate eta esperientzia guztietako emakume**ei zuzenduta dago, baldin eta **hasierako garapen-fasean film luze baten** proiektua burutzeko ideia badute.

Eskatutako dokumentazioa dokumentu honen **12. orrialdean** zehazten da. Dokumentazio hori euskaraz, gaztelaniaz edo ingelesez bidali ahal izango da.

* **Euskara hizkuntza nagusia denean, fikzio edo dokumental telesailak** onartuko dira.

Egoitza amaitzean, aukeratutako zinemagileak bere proiektuaren **memoria bidali** beharko du Etxe Betera, proiektuaren aurrerapenak azalduz, egoitzaren hasieratik amaierara arte.

Ikus-entzunezko sektorean esperientzia zabala duten emakume profesionalek osatutako batzorde batek deialdiko lau zinemagile onuradunak hautatuko ditu, aurkeztutako dokumentazioa baloratu ondoren. Hautatutakoek 2.500 euroko garapen-beka jasoko dute eta Etxe Betearen sormen-egonaldia egiteko aukera izango dute. Egoitza horrek beraien proiektua garatzeko espazio bat eskainiko die, baita egoitza-aldiak irauten duen bitartean Bilbon bizitzeko aukera ere.

LOGOTIPOAK ETA KOMUNIKAZIOA

Hautatutako proiektuaren titularrak konpromisoa hartzen du **Gela Bat Norberarena logotipoa** eta egoitza artistikoaren laguntzaile edo babesleen logoa sartzeko, Etxe Beteak hartutako konpromisoek hala eskatzen badute materialetan, **hasierako kredituen tituluetan, posterrean, babesleen logo guztiak barne hartzen dituen publizitatean eta sektorearen erabileren arabera**. Egoitzak logotipoen fitxategi digitalak jarriko ditu hautatutako proiektuaren eskura.

Gela Bat Norberarenarekin lankidetzan egiten den komunikazio edo marketin ekintza oro Etxe Beteako komunikazio sailarekin koordinatu beharko da.

Sortzaileek konpromisoa hartzen dute, halaber, proiektuak *Gela Bat Norberarenan* parte hartu dutela aipatzeko prentsa-oharretan, bai proiektua garatu bitartean, bai amaitu ondoren, eta Etxe Betea komunikazio sailari proiektuaren garapenean egindako edozein aurrerapenen berri emateko.

IRUDI-ESKUBIDEAK

Hautatutako zinemagileak baimena ematen dio Etxe Betea elkarteari bere irudia eta/edo ahotsa grabatzeko, edo beraien argazkiak ateratzeko *Gela Bat Norberarena* egoitzan. Irudi horiekin eta egoitzako grabazioekin ikus-entzunezko hainbat pieza egingo dira, hala nola egoitzaren aurkezpen-bideo bat, adostutakoaren arabera.

Etxe Betea elkarteak konpromisoa hartzen du Datuen Babesaren arloan aplikagarri den legeria zorrotz errespetatzeko, eta jakinarazten du datu pertsonalak Etxe Betea elkarteak egoitza kudeatzeko duen fitxategi batean sartu direla. Emandako datuak legezko betebeharrak betetzeko behar diren urteetan gordeko dira.

Beraien datuetan aldaketaren bat gertatuz gero, jakinarazi egin beharko lukete, informazioa eguneratuta edukitzeko.

LABURPENA

Gela bat norberarena egoitza artistikoak hurrengoa eskaintzen du:

- **Etxe Betea** (Bilbo) banakako gela batean ostatu hartzeko aukera lau hilabetez: 2027ko urtarriletik apirilera edo 2027ko irailetik abendura.
- **2.500 €** film luzea **euskaraz** garatzeko aukeratu den parte-hartzailearentzat.
- **2.500 €** film luzea **beste edozein hizkuntzatan** garatzeko aukeratu den parte-hartzailearentzat.
- **Mentoretza** pertsonalizatuak.
- **Aurrez aurreko saioak** Etxe Betea.

ELK▲RREKIN SORTZEN

2027

ELKARREKIN SORTZEN

Etxe Beteak Elkarrekin Sortzen emakume zinemagileen lantaldearen bosgarren deialdia ireki du. Aurreko edizioetan honako zinemagile hauek parte hartu dute: **Naiara Carmona, Lara Izagirre, Mikele Landa, Tamara Lucarini, Nerea Sciarra, Tessa Andonegi, Ainhua Aierbe, Naia Arantzamendi, Itxaso Díaz, Maitane Carballo, Itziar Lamarka, Sara Martorana, Lucía Montero, Aizpea de Atxa, Estibaliz Maguregi, Estibaliz Curiel, María Monreal, Mònica Cambra, Soledad Santelices, Yolanda García, Sonia Estévez, Jone Arriola, Carmen Echeverría, Saioa Miguel, Itsaso Pol, Alazne Astorga, Adriana Laespada, Noelia Chañe, Ana Serna eta Zaira Zanguitu.**

Elkarrekin sortzen lantaldeak honako hau eskaintzen du:

- **2027ko urtarriletik ekainera bitartean, Etxe Beteak egingo diren hileroko topaketak beste zinemagile batzuekin.** Topaketa horietan, sortzaile bakoitzak bere ikus-entzunezko proiektua aurkeztu ahal izango du, eta guztien artean proposamenak eta hobekuntzak landuko dira.
- **2027ko maiatzean, proiektuen pitching-saioa** Euskal Herriko ikus-entzunezko industriaren aurrean.

Bosgarren edizio honetan *Elkarrekin sortzen* programarako **bi lantalde independente** sortuko dira: bata **euskaraz** eta bestea **gaztelaniaz**.

Elkarrekin sortzen topaketen egutegia hurrengoa izango da:

2027ko urtarrilaren 25a // 2027ko otsailaren 22a // 2027ko martxoaren 15a // 2027ko apirilaren 19a // 2027ko maiatzaren 17a // 2027ko ekainaren 21a

BALDINTZAK – ELKARREKIN SORTZEN

Elkarrekin Sortzen **edozein adin, nazionalitate eta esperientziatako emakumeei** zuzenduta dago, **euskaraz** edo **gaztelaniaz** hitz egiten duten eta **garapen fasean edo aurreratuan dauden film luze, film labur, telesail edo antzezlan** baten proiektuaren ideia dutenei.

Ezinbestekoa da Euskal Autonomia Erkidegoan, Nafarroan edo Ipar Euskal Herrian bizitzea.

Bertaratzeko konpromisoa sinatu behar da [https://drive.google.com/drive/folders/1s4ZKGGG-s86W6Hy3BqPqUeWd_ZUDIBV?usp=sharing], eta aurrez aurre joan behar da lantaldeak **Bilbon** egingo dituen hileroko saioetara.

Eskatutako dokumentazioa dokumentu honen **12. orrialdean** zehazten da. Dokumentazio hori euskaraz bidali behar da euskarazko proiektuetarako, eta gaztelaniaz gaztelaniazkoetarako.

BEH▲RREZKO DOKUMENTAZIO▲

2027

DOKUMENTAZIOA

Etxe Betea programaren deialdietan parte hartzeko eskatzen den **dokumentazioa berdina izango da guztietan**. Eskatzaileek oinarri hauetan ezarritako dokumentu berak aurkeztu beharko dituzte, deialdi espezifiko batera aurkeztuta ere, deialdi jakin batean aurkakoa adierazi ezean.

Eskaera-galdetegian, interesdunak Etxe Betea programako zein deialditara aurkeztu nahi duen hautatzeko aukera eskainiko da, eta aldi berean deialdi bat baino gehiago aukeratu ahal izango du. Hainbat deialditara aurkeztuz gero, aukeraketa hori justifikatzen duten arrazoiak azaldu beharko dira memorian, eta bereziki motibazio-gutunean, hautatutako deialdi bakoitzean parte hartzearen interesa eta egokitasuna azalduz.

HAUTAKETA IRIZPIDEAK

Hautaketa proiektuaren kalitatearen eta koherentziaren, proposamenaren interes artistikoaren eta izangaiak adierazitako motibazio pertsonalaren arabera egingo da. Azken erabakia zinematografia sektoreko emakume profesional talde batek hartuko du, Etxe Betak gainbegiratuta, eta apelaezina izango da.

DATUEN BABESA ETA KONFIDENTZIALTASUNA

Bidaltzen den dokumentazio guztia konfidentzialtasun osoz tratatuko da eta deialdi honekin zerikusia duten helburuetarako bakarrik erabiliko da. Etxe Beteak datu pertsonalen tratamendu segurua eta arduratsua bermatzen du, datuen babesaren arloan indarrean dagoen legediaren arabera. Hautagaiaren berriazko baimenik gabe, informazioa ez da inola ere partekatuko hautapen-prozesutik kanpoko hirugarrenekin.

BESTE DEIALDI BATZUEKIKO BATERAGARRITASUNA

Gela bat norberarena eta *Elkarrekin Sortzen*en parte hartzea bateragarriak dira beste deialdi, beka edo egoitza artistiko batzuekin, betiere bertaratzeko konpromisoa oztopatzen ez badute.

HIZKUNTZA

Eskatutako dokumentazioa **euskaraz, gaztelaniaz eta ingelesez** aurkeztu ahal izango da.

Hala ere, **Gela Bat Norberarena euskaraz** eta **Elkarrekin Sortzen euskaraz** modalitateetan, euskara hutsean aurkeztutako proiektuak bakarrik baloratuko dira, bai testu idatzietan eta baita bideopitchean ere. Baldintza horrek bi ekimenen helburu espezifikoek erantzuten die, euskarazko sorkuntza eta garapen artistikoa bultzatzean zentratuta.

BEHARREZKO DOKUMENTAZIOA

Online galdetegia bete beharko da [<https://forms.gle/D4ATWkMABQvESTAR8>], hurrengo informazioa eta dokumentazioa jasoz:

- **Datu pertsonalak** (izen-abizenak, adina, harremanetarako informazioa, nazionalitatea, proiektuaren hizkuntza nagusia).
- **Deialdiaren eta parte hartzeko modalitatearen hautaketa.** Izen-emate galdetegian, parte-hartzaileak zein deialditara aurkeztu nahi duen adierazi beharko du (*Gela bat norberarena* edo *Elkarrekin Sortzen*). *Gela bat norberarena* deialdia aukeratuz gero, baloratua izan nahi duen egoitza-modalitatea ere hautatu beharko du: udaberriko egoitza (2027ko urtarriletik apirilera) edo udazkeneko egoitza (2027ko irailetik abendura).
- Proiektuaren azalpen-**memoria** (gehienez 20 orrialde, gehienez 10GB). Hurrengo jaso beharko du:
 - Zinemagilearen eta bere aurreko lanen aurkezpena, lan horiek ikusteko estekekin batera, halakorik egotekotan.
 - Aukeratutako egoitza artistikoaren interes espezifikoak garatzen duen interes-gutuna.
 - Proiektuaren aurkezpena, honako hauek jasoko dituenak:
 - Sinopsi labur bat.
 - Sortzaileak film hau egiteko duen beharra eta motibazioa.
 - Egoitzan zehar garatu nahi dituen lan-ildoak eta sormen-helburuen deskribapena, gutxi gorabeherako egutegi batekin batera.
 - * Hiru mentoreen proposamena, lehentasun-hurrenkeran (lehen aukera, bigarren aukera eta hirugarren aukera). *Gela bat norberarena deialdirako soilik.*
 - Hautaketa-batzordeak proposatutako film mota eta haren tonua hobeto ulertzeko, sortzaileak egokitzen eta garrantzitsutzat jotzen duen bestelako edozein informazio.
- **Bideo pitch.** Aurkezpen-bideoa, gehienez hiru minutukoa, egileari eta proiektuari buruzko idatzizko dokumentazioan eskaintzen denaz gain, deskribapen gehigarri batekin. Proiektua euskaraz bada, bideo pitch-a ere euskaraz egin beharko da.
- Halakorik izatekotan, **gidoiaren** edo **tratamenduaren** lehen bertsioa aurkeztu ahal izango da. Hala ere, hori ez da hautaketa-taldeak baloratuko duen dokumentazioaren parte izango.
- **Dagokion deialdian parte hartzeko konpromiso-orria** [https://drive.google.com/drive/folders/1s4ZKGHGg-s86W6Hy3BqPqUeWd_ZUDIBV?usp=sharing]
- **Proiektuaren egiletzaren erantzukizunpeko adierazpena.** [https://drive.google.com/drive/folders/1CmuO-KH5O0rJQA4vvN2SAu3zdBM_fk1G?usp=sharing]

Dokumentazio guztia irailaren 16ra 13:00ak baino lehen bidali behar da. Aipatutako baldintza guztiak betetzen dituzten hautagaitzak baino ez dira baliozkotzat joko.

LABURPENA

	GELA BAT NORBERARENA Egoitza artistiko ordaindua eta mentoretzak dituena. Euskarazko bi egoitza eta beste edozein hizkuntzako bi egoitza.	ELKARREKIN SORTZEN Zinemagileen arteko hileroko topaketak. Bi lantalde: bat euskaraz eta bestea gaztelaniaz. Ordaindu gabea.
Norentzat	edozein adineko emakumeak	edozein adineko emakumeak
Nazionalitatea	Edozein	Euskal Herrian bizi direnak
Behar den esperientzia	Edozein	Edozein
Proiektu-mota	Film luzea Telesaila (euskaraz bakarrik)	Film luzea Film laburra Telesaila Antzezlanak
Ostatua	Bai	Ez
Iraupena	4 hilabete	6 hilabete
Ordainsaria	2.500 €	Ez
Mentoretzak	Bai	Ez
Hautatutako proiektuak	• bi euskarazko proiektu • bi proiektu beste edozein hizkuntzatan	• 3/5 proiektu euskarazko talderako • 3/5 proiektu gaztelaniaz

INFORMAZIO GARRANTZITSLIA:



Dokumentazioa bidaltzeko, galdetegia bete behar da:

<https://forms.gle/D4ATWkMABQvESTAR8>



Bertaratzeko konpromisoaren gutunak deskargatzeko:

https://drive.google.com/drive/folders/1s4ZKGHGg-s86W6Hy3BqPqUeWd_ZUDIBV?usp=sharing



Erantzukizunpeko adierazpena deskargatzeko:

https://drive.google.com/drive/folders/1CmuO-KH5O0rJQA4vvN2SAu3zdBM_fk1G?usp=sharing



Deialdia zabalik **2026ko irailaren 16ra 13:00ak (CET) arte**.

Zalantzarik izanez gero, jarri gurekin harremanetan helbide elektroniko honetan:

lacasallena.bilbao@gmail.com